

E V R O P A.

2

die Moreæ, Caput, *Tanaria* Veteribus, nunc *Cabo Maini*. quibus locis maximus dies horarum *xiiii*, minut. *xxx*. Septentrionalissimus autem limes sit, gradu *Lxxi* & dimidio, Scandiæ promontorium, versùs Boream ultimū, hodie *Vardhuys*, ubi maximus dies *ii* est mensium, *xxii* dierum, horarum *vii*. Lineam porro, à Tanais fonte versùs Septentrionem rectā in Oceanum ductam, Orientalem Europæ litem statuimus, communes, à quibus dissentire religio nobis est, sequuti calculos. Queis enim Europa limitibus sit Orientem versùs definienda inter veteres Scriptores non satis convenit. Aristoteles, Plato, Herodotus, & alii, qui his suffragantur, Europam ab Asiā separant Phasi flumine sive Isthmo, qui est inter Pōtem Euxinum & Mare Caspium. Dionysius, Arrianus, Diodorus, Polybius, Iornādus, Tanai flumine simpliciter Abrahamus Ortelius fines Europæ versùs Ortum statuit, mare Ægeum, Pontum Euxinum, Mæotidem Paludem, Tanaim fluvium, & Isthmum qui est ab ejus fontibus rectā ad Septentrionem; Aliique alios. Ptolemæus eodem Tanai flumine finit ab Asiā Europam, ductāq; ad ejus fonte versùs Boream ad mare usque lineā. Huic cum peritissimis Geographis subscribētes, descensu à lineā Tanaique flumine versùs Meridiem factō, metas porro cum aliis Orientales signamus in Palude Mæotide, Bosphoro Cimmerio, Pōto Euxino, Bosphoro Thracio, Propontide, mariq; Ægo usq; in Mare Mediterraneum, quo Meridiē versùs ab Africā dirimitur; ad Occidentē vastissimus eam pullat & apertissimus Oceanus: ad Septentrionē denique Mari clauditur Boreali. Strabo formam Draconis ei tribuit, cujus caput Hispania, collū Gallia, corpus Germania, alas dextrā lavāque referunt Italia & Cimbrica Chersonesus. Aëre Cælōq; ut plurimū fruitur temperatissimo ac clemētissimo. Vnde etiā Europa quanta quanta est habitatur, quamvis quicquid locorū supro *lx*. latitudinis gradū, propter frigora incommodē, tum laboriosē. Nec solum stupenda Cæli clemētia, temperie, amenitate, maximā Incolarum frequentia: verum etiam fertilitate, Frugū, Arborum, Plantarum, omnis item generis Animantium, Metallorum, & aliarum, quæ sustentandæ hominum vitæ sunt necessariae, Rerum copia reliquas Orbis partes summo merito longē superat. Vites tamen ubique non habet: sed ubi vinū deest, ibi ejus usum factitio ē frugibus potu supplet. Hæc Orbis Domitorū (nam nec hīc ab ejus temperare possum laudibus) genitrix. Quidni? Produxit quidem hīc olim Alexandrum Macedonia, Italia Romanos: qui successione quadam, quam Deus æternā suā providentiā decreverat, Terrarum Orbem quousq; notum habebāt, domuerunt: producit autem hodiēque Germania Principes, qui quartæ Romanorum Monarchiæ jura, quantum per immanissimorum hostium potentiam & impressiones licet, facta recta tuerentur. Nunquid & Magni, quos Avorū adorarunt tempora, Europæ Herōes incognitam, ut plerique opinantur, veteribus Americam, potioresq; & validiores Africæ Asiāque partes suo adjecerunt imperio? Nunquid Mater tot Regum, tot Principum, Christo, quod alibi rariū, militantium? Habet enim hæc nostra Europa, præter Romanum Imperium toto Terrarū Orbe venerandum, supra viginti octo (si quatuordecim, quæ Damianus à Goes in solā Hispaniā numerat, adjunxeris) in univēsum Regna Christiana Religione imbuta; unde hujus regionis dignitatem vel imprimis æstimare liceat. Quid de Urbium frequentia, nobilitate ac celebritate dicam? Superbivit olim Africa vnica ferē sua Carthagine;

Cæli temperies.

Soli fertilitas.

Imperium Majorum & Minorum.